

نور کیمیا کورنی

ایستانبول

شهر امانتی محمد علی

شهر امانتی طرفندره آبدیه بر نشر اولنور

نسخه سی

۱۰ غروش

.....

پوسته اجرتی

۴۰ پاره در

سنة ۱۰۰۰

۱۰۰ غروش

.....

پوسته اجرتی

۱۰ غروش در

استانبول شهرینک بایزید و فاتح و باقیر کوی دوائر بلدیہ سی حدودی داخلندہ کی مواقع و محلاتدہ
 هواغازی استحصالی ایله تنویراتدہ و تسخین و قوہ محرکہ مقامندہ استعمالی حقندہ

مقاولہ نامہ و شرطنامہ

بر طرفدن شهر امانی نام و حسابنہ شهرامینی اوپراتور امین بک افندی حضرتلری و دیگر طرفدن قاضی کوی
 و اسکدار ایله بوغاز ایچینک آناتولی جہتلی هواغازی و الکتریک عثمانی آنونیم شرکتی نام و حسابنہ
 شرکت مذکورہ مجلس ادارہ سنک و کالتی حائز و اعضاسندن تورکیہ جہوری حکومتی تبعہ سندن بک اوغلندہ
 فائق پاشا سوغاغندہ [۷] نومرولو آپارتمانندہ مقیم عارف حکمت بک آرسندہ بروجہ آنی احکامی حاوی مقاولہ
 عقد اولمشدر :

مادہ ۱ — شهر امانی طرفدن اشبو مقاولہ و شرطنامہ دہ محرر احکام و شرائط موجبجہ استانبول
 شهرینک بایزید و فاتح و باقیر کوی شعبات ادارہ بلدیہ لری حدود حاضرہ سی داخلندہ کی محلاتدہ عمومی و خصوصی
 تنویراتدہ و تسخین و قوہ محرکہ مقامندہ و امثالی خصوصاً دہ استعمال و تطبیق ایدنک اوزرہ هواغازی استحصالی
 و توزیع و فروختی و بونک ایچون طریق عام تختندہ بوریلر تقریشی حق شرکت مذکورہ یہ اضافہ عمومی ایله عارف
 حکمت بکہ احالہ و اعطا قلمشدر .

مادہ ۲ — امتیاز مدتی اشبو مقاولہ و شرطنامہ نک امضا و تعاطیسی تاریخندن اعتباراً الی سندر .

مادہ ۳ — صاحب امتیاز بدی قلدہ اسکی غازخانہ نک اشغال ایدیلکی و مربوط خریطہ سندہ ارانہ اولنان
 حدودی محتوی اراضی اوزرینہ یکرمی درت ساعتدہ یکرمی بیک مترو مکعب هواغازی حصولہ کتیرہ جک
 قدرت و وسعتدہ بر غازخانہ تأسیس و انشا ایلمکہ مجبور و انشا ایدیلجک یکی غازخانہ دہ و سوقاقرده ایوم
 موجود اقسام تأسیسات و ادواتدن استعمالہ صالح اولانلری قی قوللاننہ مأذوندہ . شو قدر وارکہ او جوار
 ساحلنہ یاپیلجق ریختیم دولایسیلہ غازخانہ اراضیسی ساحلندہ دخی امانت سربستی حرکت و تصرفی محافظہ ایتمکدہ
 ویا لکیز اشبو ریختیم یاپیلدینی تقدیردہ بونک اوزرندہ غازخانہ یہ بر مخرج ارانہ سی امانت درعہ دہ ایتمکدہ در .
 کذلک حدود امتیازیہ مبسوطہ داخلندہ جادہ و سوقاقرده مفروش بوریلری و تنویرات عمومیہ مخصوص
 آلات و ادواتی دخی سوقاقرده استعمال ایدیلجکدر . آنجق صاحب امتیاز حریق محلاترینہ مصادف و غاز مجا
 ریلی موجود اولان جادہ و سوقاقرده کی بورولری اورالردہ یکی آچیلجق جادہ و سوقاقرده سی عملیاتنک ایتکندن
 صوکرہ تکرار وضع و تقریش ایتک اوزرہ رفع ایلمکدہ جکدر . شهر امانی موجود فنارلردن استعمال ایدیلجک
 وایدیلجک اولانلرینک لیستہ سی بلدیہ جکدر . استعمال ایدیلجک اولان فنارلر شرکتجہ جیقاریلوب ایلرودہ
 شهر امانتک ارانہ ایلمکہ چی موقعہ وضع اولنق اوزرہ شرکتک مغازہ سندہ حفظ اولجقدر .

ماده ۴ — صاحب امتیاز اشبو مقاوله و شرطنامه نك تصدیقك كندیلیرنه تاریخ تبلیغندن اعتباراً آلتی آی ظرفنده مجدداً انشا ایدمچكی غازخانه نك تأسیسات و اعمالات پروژهلری شهرامانته تقدیم ایدمچك و امانت مشارالها دخی بونلری اوچ ماه ظرفنده یا عیناً قبول و یا ایجاب ایدن تعدیلات ایله بالتصدیق اعاده ایلیمچكدر . اوچ آی ظرفنده برکونا اعتراض درمیان ایدلمدیکي تقدیرده صاحب امتیاز مذکور پروژهلری قبول و تصدیق ایدلمش عد ایدمبیلیمچكدر . ذکراولتان پروژهلرک تاریخ تصدیقندن اعتباراً برسنه ظرفنده عملیات انشاییه اکل ایدلمش اولمچكدر . احوال فوق العاده و موانع مجبره ظهورنده شهراماتی رسماً خبردار ایدلمك شرطیله وقوعه کلهچك تأخر مدتی مدت انشایته ضم و علاوه اولمچكدر و یاغنین یرلری مستثنا اولوق اوزره موجود مجرالر ایکسجی سنه نهایتده حال فعالیتته کتیرلمش اولمچكدر .

ماده ۵ — سالف الذکر پروژهلر بروجه زیر اوراقدن عبارت اولمچكدر :

[۱] امتیازك تعلق ایتدیکی محال و مواقعك هیئت عمومی سنی مرئی بیلیق مقیاسنده بر پلان و مختلف رنگلره کوسترملک اوزره مجاری تفریشتاتی ده های اولمچك بیلیق مقیاسنده عمومی پلان .

[۲] کافه اجهزه و اعمالاتك مناسب مقیاسده پایلمش رسم و پلانلری .

ماده ۶ — یکی غازخانه انشا ایدلمك اوزره صاحب امتیازه ترك و تودیع اولنمش اولان یدی قله غازخانه سی اراضیسندن ماعدا غاز استحصال و محافظه سنه عائد اولوق اوزره لزوم کوربان دیگر ابنیه و اراضینك اشتراسنده صاحب امتیاز اسخایلمه اوپوشمه مدینی حالده بدلی صاحب امتیاز طرفندن تسویه اولنوق اوزره قانون مخصوصه توفیقاً شهرامانتهجه استملاك اولمچكدر .

صاحب امتیازجه و استملاك قانونه توفیقاً استملاكی طلب ایدیلن اراضینك بیلیق مقیاسنده کی خریطهلری مومی ایله طرفندن تنظیم اولمچكدر .

ماده ۷ — یکی پایلمچق غازخانه ده استحصالات ابنیه سی و بونلره اتصال ایدمچك بنالر غیرقابل احتراق مالزیه و مواد ایله انشا اولمچكدر . بونلرک تجمد هواسی سسقلک اوستنده و یا نلرنده وسعت کافیده و لزومی مقداره بخبرهلره تأمین ایدیلیمچكدر .

تکشیف و تصفیه اجهزه سی یا غازخانه نك مرکزیه دوغری آچقده و یا خود تجمد هواسی تماماً و منتظماً تأمین اولونمش محللرده تأسیس اولمچكدر .

[۱] غاز و متزولر — غاز قرغانلرنك غطس اولمچكی حوضلر هیچ صیرمیه چق صورتده غیرقابل احتراق مواددن انشا اولمچكدر .

[۲] غاز مجاریسی — قتالیزاسیون — الک آغیر آراه و قامیونلرک مرور و عبورندن متأثر و منکسر اولمیه رق مقاومت ایدمبیلیمه سی ایچون دوکه دمیردن و یا مانه سان چلیکسندن معمول بوریلرله و تحت الارض لااقل یتیش ساتیمترو عمقنده تأسیس اولمچكدر . و الحاصل کرک غاز استحصاله مخصوص فابریقه و کرک تفریشتات و تأسیسات فن و صنعتك تریات حاضر سنه موافق شرائط داخلنده انشا و محافظه اولمچكدر .

کرک عمومی فنارلره و کرک خصوصی ابنیه و یریلیمچك غاز ایچون تأسیس اولمچك بر انشان — شعبه یوللری — یا حاده دن کچیرلمش دمیردن و یا قورشون و یا دوکه دن معمول بوریلرله پایلمچكدر .

استعمال ایدیلیمچك بوریلرک کافه سی اعمال ایدیلرک لری فابریقه لرده تجربه اولمچك و مطلوب تضییقه مقاومتلرنك نبوتی ناطق عندالایجاب شهادتنامه لری ابراز ایدیلیمچكدر .

على العموم عمليات و تفریسات طرق عمومیه ده صو و لغ و سائر بالجه خطوط و مجاری به و مرور و عبور و کربستیسنه ایرات خال و تلفون و تلگراف و الکتریک و تراموای کبی تأسیسات نافعه بی سکتیه دار ایتیه جک بر صورتله اجرامی ایچون تدابیر مقتضیه فیه اتخاذ قلنه جقدر . عکس تقدیرده و وقوعه کله جک ضرر لر تضمین ایدیه جقدر . طریق عام اوزرنده اجرا قلنه جق حفریات و پایله جق عملیات ایچون تاریخ مباشرتدن لاقول درت کون اقدم صاحب امتیاز طرفندن شهرامانته ویا دواثر بلدیة متعلقه سنه اخبار ایدنک مجبوریدر . عملیاتک صورت اجرامی و امتدادی خصوصنده موضوع اولان نظامات و واقع اوله جق تبلیغاتنه توفیق حرکت ایدیه جقدر .

برقضا و وقوعیه ویا هر هانکی برسیله مستعجلاً و بلا افاته زمان اجرامی لازم کان ترمیمات و عملیاتده صاحب امتیاز بالاده بیلدریان درت کون مدته تبعیتدن معاف اوله بیاير . احوالده درعقب شهرامانته خبردار ایدیه جک و قرق سکنر ساعت ظریفنده اسباب حقیقه سنه بیلدریمک شرطیه بلا تأخیر لازم کان عملیاتی اجرا ایدیه جقدر . منفعت عمومیه نك ایجاب ایدیه کی احوالده عملیات امانته موقه تعطیل اولنه بیه جقدر .

عرضی اون بش مترو ودها زیاده اولان جاده لره اصحاب امتیاز یایا قالدیرملری آلتنه ویا کنارلری یانسه ترتیب اولنق اوزره ایکی مجرا تأسیس و تفریشه مجبوردر . هر خندق کشاندنه آنی طولدره جق طوپراق حد اعظمی اوله رق یکریمی سانیتمترو قالدیرمکنده اولق اوزره طبقه طبقه کوزله صولانوب طوقاقلانه رق باصدیریه جقدر . فضله طوپراق ایجاب حاله کورده عملیاتک دوامی مدتیجه شهراماتی طرفندن کوسترین محله نقل ایدیه جقدر . برمساعده مخصوصه و اسباب مقبوله اولمدتیجه اجرا ایدیلن حفریات امدوشده ایرات سکتیه ایتیمک ایچون یولک کینشلمکنک نصفندن و تأسیسات و انشآت اولیده یوز و عملیات سائرده الی مترو طولندن زیاده اولیه جقدر . انشائی عملیاتده دیوار و امثالی اعمالنه تصادف ایدیلورسه اصحاب امتیازک بوکا ایرات ضرر ایلیمسی و بوقی تخریب ایتیمسی ممنوع اولوب هان شهرامانته اخبار ایله حال سابقه اعاده ایتیمک و عکس تقدیرده کافه ضرر و زیانی اعطایه مجبوردر . حفریات انساننده ظهور ایدن تراشیده احجار و سکه و مدالیه کی آثارعقیقه و هیکل و امثالی معمولات نفیسه و صنایعه آثار عقیقه نظامنامه سنه توفیقاً مرجعه تسام اولنه جقدر . هر درلو حفریات و عملیاتدن دولای بوزیلان یولار و یایا قالدیرملر و سائر نك حال سابق و انظامنه ارجاع مصرفی تماماً شرکته عائد اوله جقدر . اصحاب امتیاز حفریات اجرا ایدیه کی مواقعه کیجه لری آچیق قالدیه جق خندکلرده قنارلر وضع و ایقادینه و بریکجی اقامه سنه مجبوردر . فقط بوندن دولای اشخاص نالیه قارشی مسئولیتی ساقط اولیه جقدر . بوتدیبری طرق عامه اوزرنده اجرا ایله جکی عملیات انساننده اتخاذ ایدیه جقدر . عملیات واقعه موجود مؤسسایجه بعضی تعدیلاتی و برکوناضرر و زیانی و خساراتی ایجاب ایلورسه تضمینی صاحب امتیاز عائد اوله جقدر . عدم استلاف و وقوعنده شهرامانته ک توسطیه حل مسئله ایدیه جقدر .

ماده ۸ — تأسیسات و انشآت و عملیاتک اکیلی ایچون معین اولان مدت باقی قالدق شرطیه پروژه قبول موقت معامله سنک قسم قسم ایفا و ایشلمته عملیاتی پیدرنی اجرایه مساعد اوله جق وجهله اعمالات صنوفه تقسیم و عملیاتک صرهمسی اراشه و تعیین اولنه بیه جقدر . اشبو قسم قسم قبول موقتلر شهراماتی هیئت فیه سی طرفندن ویریه جک راپور اوزرینه امانت مشارالیه اجه اجرا اولنه جقدر اجرا ایدیه جک اشبو قبول موقت ایله آندن برسنه سکره وقوع بوله جق عمومی قبول قطعی معاملاتی عینی صورتله اجرا قلنه جقدر . ایلورده قنارلرک توسیبه کی مهم عملیاتک موجود قنارلرده اجرا اولنه جق تعدیلاتک دخی بشنجه ماده ده تعیین اولان شرائط دارمسنده مصدق بر پروژه سی اوله جق و بونلرک عملیات ختامنده قبول موقت و برسنه مرورنده قبول قطعی معامله سی اجرا اولونا جقدر . آنا خطندن مبانی تمهید ایدیه جک شعبه یوللرینک انشا و تأسیس عملیاتی بالاده کی ققره حکمندن مستثنادر .

ماده ۹ — توزیع اوله جق غاز معدن کورندن استحصال واستخراج ایدیه جک و تقطیردن متولد مواد نالیه نك دخی علاوه سیه قوتی تزیید ایدیه بیه جکدر . بواغزه زیوت و سایر مواد دهنیه دن چقارمش غازلرک و پتروالی مواد ایله مخلوط اولسون اولسون صوغازی تعمیر اولنان غازک علاوه سی جائزدر . آتیق شوراسی صورت مخصوصه ده مشروطدر که خطیه نه صورتله ترکیب ایتمش اولورسه اولسون حض قاربونک نسبتی هیچ برنقله ده و هیچ بروقتده حجم اعتباریه یوزده اون آلتی بی تجاوز ایتیه جکدر .

صاحب امتیاز غاز اعمال واستحصالتده حض قاربون مقدارخی نسبت مزبورده دن ممکن مرتبه تقصیه جالیه جقدر .
ماده ۱۰ — غاز مکملاً تصفیه ایدیه جک و یسارکن قوقوسی حس اولتیه جقدر . غازک مولدالماء کبریتده کیفیت تصفیه سی اکلاشماق اوزره یوزده برقم طوزی حاوی ماء مقطر ایچنده یوزده بش نسبتده حل اولونش قلوباندن عاری قوروشون سرکسی محلولی درونه تقریباً اوچ دقیقه مدت غطس اوله رق قوروتلش قولاسز و جیریشیسز بیاض کاغذلر استعمال اوله جق و بوکاغذلر اون بش دقیقه قدر غاز جریانده طوردریلدینی حالده قراریه جقدر .

بهر متر و مکعب غازده الالی ساتیغرامدن زیادہ آمونیاق و قرق لیتردن زیادہ بالاماء حامض قاربون بولتیه جق و غازده قطراندن اثر اولیه جقدر . قوه حروریه — ژونک کرس و یا خود عینی درجه حساسیتده شهرامانته مصدق دیگر برمقیاس الحراره ایله اولچیه جکدر . هیچ بروقت یدی یوز الشمس میلیمتره جیوه تضییقی تحتده و صفر درجه ده غازک بهر متر و مکعبنک قوه حروریه سی درت بیک ایک یوز قالوریدن دون و درت بیک بش یوز قالوریدن افزون اولیه جقدر . قوه حروریه تجریه سنده وقوعی دائماً ممکن اولان سهویاته مقابل یوزده بش فرقه جواز و بریه جکدر . غازده موجود حض قاربون مقدارینک تعینی ایچون (یونت) جهازی استعمال اوله جقدر . قوه حروریه نك و بالاماء حامض قاربون و آمونیاق و تخصیص حض قاربون مقادیرینک تعینی ایچون مقتضی محل و اجهزه والات و ادوات مخصوصه و لازمه بی انتخاب امتیاز مصارفی کاملاً کندیسه عائد اولوق اوزره تأسیس و احضار ایدیه جک و شهراماننک وقوع بولیه جق طلبی اوزرینه شرکت مأموری حاضر اولدینی حالده اجرا ایدیه جک اولان معاینه و تجریه لرک استازام ایدیه جکی موادک احضاری مصارفی ده انتخاب امتیاز عائد اوله جقدر .

ماده ۱۱ — غاز تحت الارض مجرالرک هر نقطه سنده حد اصغر اوله رق دائماً بکرمی بش میلیمتر و صو تضییق تحتده بولیه جقدر .

بو خصوصک تأمین ایدیلوب ایدیلدیکی آکلاشماق اوزره اجرایی لازم کان معاینه و تجریه لر شهراماننک طلبی و طرفینک حضوریه اجرا اوله جق و بونک ایچون اماتنک کوسرتیه جکی واقعه متحرک و یا ثابت مقید مقیاس الفاغازاتروضع اوله جقدر .

ماده ۱۲ — صاحب امتیاز غازخانه و انبارلرنده ایشلمته معاملاتکی لااقل ایکی آی تأمین ایدیه جک مقدارده مواد ابتداییه لوازمی بولندره جقدر .

ماده ۱۳ — غازخانه و کافه تأسیسات و مشتملاتکی هر وقت حسن حالده طوتیه جقدر . صاحب امتیاز ایشلمته معاملاتنک و اجرا ایدیلدیکی عملیاتنک معاملات و خدمات عمومیه به ابراث سسکته و خلل ایلمه سی ایچون ایجاب ایدن کافه تدابیر احتیاطیه و لازمه بی اتخاذ و اجرا ایدیه جکدر . درعقب قالدیریه میان آمونیاقلی صولر واستحصالاتدن حصوله کلن قطرانلر اصلاً صیرمیه جق و قوالی صهرنجلرده محافظه ایدیه جکدر . تصفیه معامله سی کسکین راجحانک و مضر تحراتک غازخانه بناسندن خارجه انتشار ایدیه مه سی ایچون کمال دقتله و لازمی وجهله سوق و اجرا ایدیه جکی مثلاً بوحال عملیات تکشیفه دن متحصل صولرده و بونلره معامله اجرایی تقدیرنده دخی جاری

اوله جقدر ، قطران رایحه و دومانای خارجه انتشار ایتیه جک صورتده یاقبله بیله جکدر . غاز و متورلر آچبقده و ایجابات فن و صنعته موافق اوله رق غایت محکم انشا اوله جقدر . و مربوط بولند قلی قلاغوزلر غاز و متورلرک انشای حرکتلرینده محورلرینک دائماً شاقول قالمسی تأمین ایدر صورتده ترتیب ایدیه جکدر . غازخانه و تفرعاتی صحت و سلامت عمومی که تأمین ضمنتده حالا و آتیا لزوم کوریه جک تدابیر احتیاطیه به تابع و ترتیبات فیه بی جامع بولنه جقدر .

صاحب امتیاز غاز صرفیاتنک ترایدندن تولد ایدیه جک احتیاجاته متناسباً غازخانه ایله کافه تأسیساتی و اونلرک اداره سنی غاز فن و صنعتک ایجاباتی دأر مسنده توسیع ایدیه جکدر .

ماده ۱۴ — صاحب امتیاز مدت امتیازیه نک ابتداسنده موجود اولوب کندیسنه دور اولنان و یا خود ایشلتمه معاملاتنک ایجاباتندن اوله رق کندی طرفندن وضع ایدلش و یا ایدیه جک اولان بورولری ، موصقلری ، سفونلری ، قنال منفذلرینی و اولو قنلری مجارینک سائر اقسام و تفرعاتی مصارفی کندیسنه عائد اولوق اوزره اصلاح ایله دائماً حسن حالده محافظه ایله جک و خبردار اولور اولماز در عقب غاز طیرانلری منع ایدیه جکدر . صاحب امتیاز غاز استهلاک و صرفیاتنک ترایدندن و سائر اسبابدن دولایی موجود بوریلرک قطری دهاییوک و یا معادل بوریلرله تبدیلنه لزوم کوریلور ایسه مصارفی کندیسنه عائد اولوق اوزره بکی بوریلر وضع ایدیه جکدر . امنیت عمومی و منافع بلدییه ایجاباتندن اولدینی کندیسنه بلدییرلدیکی تقدیرده صاحب امتیاز فرش ایدلش اولان بوریلرک و فنارلرک موقعی تبدیل ایدیه جکی کبی بولری عینی اسبابدن دولایی بر جاده و سوقا قدن رفع ایله ارا نه ایدیلن دیگر رسوق و جاده و میدان محله و وضعی در عهده ایدیه جکدر .

صاحب امتیاز هیچ بر زمان حکومتجه و یا اما تجه واقع اوله جق عملیات نافعه نک اجراسنه مخالفت ایدیه میه جک و شهراماتی طرفندن کندیسنه امر ایدیلن تأسیسات و اعمال و تفریسانه عائد تعدیلاتی اجرا ایدیه جکدر . بومللو تعدیلاتی ایجاب ایتدیرن عملیاتدن طولایی دیگر بر مؤسسه ایله واقع اوله بیله جک اختلافات شهراماتی جانبندن حل و فصل ایدیه جکدر .

صاحب امتیاز کرک آرابلرک علی العاده مرور و عبورندن دولایی طریق عام اوزرنده و یا آلتنده بولنان اعمالاته عارض اولان خسار ایدن کرک شوسه نک و طرفین سطح مثاللرینک و یا یا قالدیرملرینک و اعمالات سائر نک بولندینی خالندن متولد نتایجندن و کرک مرور و عبورک تأمین سلامتی ایچون طرق عامه اوزرنده اجرا ایدیه جک عملیاتدن و بونلرک نتایجندن دولایی حکومت و یا شهر امانتندن تضمینات طلب ایدیه میه جکدر .

صاحب امتیاز آخره قارشو حق مراجعتی محافظه ایدر . کرک تأسیسات و تفریسات و کرک توزیعانک ایشلتمه معاملاتندن متحدث ضرر و زیان و خسار تماماً صاحب امتیازه عائد اولوب بونلرک کافه نتایجندن شهراماته و شخصاً متضرر اولانلره قارشو مسؤولدر . صاحب امتیاز حدود امتیازیه سی داخلنده بر و یا خود متعدد خانه اصحابی طرفندن واقع اوله جق مراجعت اوزرنه بوخانه به و یا خانه لره غاز سوق و اساله سی مصارفی اصحاب امتیازه عائد اولوق اوزره مجرا تأسیسه مجبوردر . آنجق خانه صاحبلرینک دخی غاز سوقی ایچون تقریش ایدیه جک بوریلرک بهر مترو طولی ایچون امتیازک ایلک اون سنه سی ظرفنده سنوی لاقلا اوتوز و اون متعاقب سنه لره سنوی لاقلا اون بش مترو مکعب غاز صرف و استهلاکنی تأمین ایللری مشروطدر .

اشبو استهلاکانه تنویرات عمومی موجود ایسه $\frac{1}{2}$ نسبتنده ادخال ایدیلیر . اشبو بوریلرک طولی موجود الک یاقین آما بوریدن اعتباراً حساب ایدیه جک و بدل و اجاره به تابع اولان شعبه بوللری بو مکلفیته داخل و تابع اولیه جقدر .

صاحب امتیاز بویکی بحاری به‌عائد عملیات پروژده‌سی تاریخ طلبدن اعتباراً برماه ظرفنده تقدیم ایدم‌جک واسباب بحیره مستثنا املق اوزده تاریخ تصدیقندن اعتباراً برماه ظرفنده دخی عملیاتی اکمال ایلده‌جکدر .
ماده ۱۵ — تنویرات عمومی مواد آتیه‌نی احتوا ایدر . شویله‌که :

اولا : الیوم موجود بولنان و ایلروده کشاد ایدیلده‌جک اولان طرق عمومی و چیقماز سوقاقلرله میدانلر و تنزه و تفرج محللاری و پارقلر واسقوئرلر .

ثانیاً : عمومی مخصوص بولخانه‌لر و منافعی شهرامانته عائد اعلانات محللاری (بومحلالرده‌کی فنارلرک اشعال و اطفا‌سی طرق عمومی تنویراتنه مخصوص فنارلرک اشعال و اطفا‌سی و قتلرنده اجرا اولنه‌جکدر .)

ثالثاً : ایام مخصوصده حکومت و بلدییه طرفندن اجرا اولنه‌جق تنویرات .

شهر امانتی عملیات لازمه اجرا و قبول معامله‌سی ایفا اولنده‌قن صکره طرق عمومی اوزرینه وضع و تاسیس ایتدیرده‌جکی علی‌العموم ستون و پراچوللرله مقتضی غازی اعطا ایتک اوزده تاسیس اولنه‌جق شعبه‌لرک یکرمی مترو طولنه‌قدر قسمتی صاحب امتیاز بجاناً تاسیسه مجبوردر . یکرمی متروی نی تجاوز ایدن شعبه‌لر ایچون قزیش ایدیلده‌جک بوری مصارفنی اشبو عملیاتک تاریخ اجرا سندن اعتباراً مدت امتیازنه‌ک ختامه‌قدر احما ایتک اوزده بونک سنوی یوزده بش‌یحق حسابیلله فائض و رأس‌المالنه مساوی برتقیط سنوی اعطاسنی شهراماتی قبول ایتدیکی تقدیرده‌صاحب امتیاز شعبه‌نک متباقی قسمتی اکماله مجبوردر . بوسورتله تشکیل ایدیلده‌جک بحاری کذراک‌هنده وقوع بولاجق استهلاکات و صرفیات عمومی و خصوصیه‌ک مقداری اون دردنجی ماده‌ده محرر مقدار صرفیانه بالغ اولونجه بحاری مزبورده ایچون شهراماتی طرفندن و برله‌جک بدل قطع اولنور .

امتیازک دوامی مدتجه صاحب امتیاز شهراماتی طرفندن تعیین وارانله اولنه‌جق مواقعه تنویرات عمومی ایچون مصارف تاسیسه و دائمه‌سی شرکته عائد املق اوزده ساعتده یوزیکرمی لیتره غاز صرف ایدن برقتلی حاوی یوز فنار بجاناً وضع و ایقاد ایلده‌جکدر . آنجق مذکور فنارلرک الای عددی غاز خانه‌ک فعالیتیه باشلادینی تاریخندن اعتباراً برسنه نه‌ایتده و متباقیسی ایکی سنه نه‌ایتده تاسیس و اشعال ایدش بولنه‌جکدر .

ماده ۱۶ — تنویرات عمومی‌نک اداره‌سی اصل‌غاز اعطاسندن ماعدا اولامتعدد قولای و یا قولسز فنارستونلری ، فانوسلر ، پراچوللر ، صاعد قوللر ، شعبه یوللاری ، فنارلر به‌قلر و فیتلر و تفرعات لازمه سائرته‌ک اعطاسی و محانه وضعی و بونلرک حسن حالده اداره و محافظه‌سی .

ثانیاً : فنارلرک اشعال و اطفا‌سی خصوصاتی دخی شاملدر . متعدد قوللی و قولسز ستونلر و فنارلر و فانوسلر و پراچوللر شهراماتی طرفندن قبول و تصدیق اولمش نمونه‌لر جنس و نوعله مطابق اوله‌جکدر .

صاحب امتیاز اوچنچی ماده‌ده مذکور آلات و ادواتک استعمالندن صوکره فنار ، ستون و پراچوللرینی و متفرعاتی بش‌سنده برتعدیل اولنه‌بیلیمک شرطیلله شهر امانتیه بالاتفاق قرارلاشدیریلده‌جق اولان برتصرفیه توفیقاً اعطا ایلده‌جکدر .

اشبو تعرفه‌نک تنظیم و تعدیلنده طرفینجه ائتلاف حاصل اوله‌مدینی تقدیرده شهراماتی اشبولوا‌سی مناقصیه وضع ایتک و یا بازارقله بیایمه ایتک حقی محافظه ایدر بونلر مناقصیه وضع اولوندینی تقدیرده صاحب امتیاز دخی مناقصیه داخل اوله‌بیلور .

شهراماتی فنار ستون و پراچوللرینی آرزو و انتخاب ایتدیکی شکل و طرزده آبروجه اعمال ایتدیره‌ک صاحب امتیازده اعطا ایتک حقی دخی حائر اولوب بوقدیرده صاحب امتیاز بونلری محله‌وضع ایتکه مجبوردر . صاحب

امتیاز هر نوع فنارستون و پراچوللرینی و تفرعاتی (شعبه بوریلری و صاعد قوللری الخ ..) محالریه وضع ایتمکی و آنلری حسن حالده اداره و محافظه ایلمکی تمهد ایلر . فنارلر شهراماتی طرفندن انتخاب و تعیین اولان نمونه‌لر مطابق اوله‌جق و صاحب امتیاز بونلری مجأناً اعطا ایله‌جکدر . یالکیز مدت امتیازیه‌نک انقضاسی تاریخنندن مقدمکی اون بش سنه ظرفنده تدارک اوله‌جق فنارلرک بدلی حقنده یکریمی بشنجه ماده‌حکمی جریان ایده‌جکدر . هرفنارک برصره نومروسو اوله‌جق و بونومرولر قولایجه کوریله‌جک و اوقونه‌یله‌جک صورتده ترتیب و محافظه اوله‌جکدر .

فنارلر و تفرعات کامله‌سی (اقسام نحاسیه و زجاجیه‌سی و معکس الخ ..) دقت و اهتمام ایله محافظه و داخل و خارجلری ایجه و تماماً تطهیر اوله‌جکدر . بوطاهر معامله‌سی هر حالده فنارلرک اشعاله مباشرتدن بر ساعت اول ختامه ایردیریله‌جک قیریق و چاتلاق جاملر همان کیشدیریله‌جک ، مانداللر و تفرعات سائره‌سی هیچ بروقت نقصان اولیه‌جکدر . امتیاز مدتی ظرفنده شهراماتی فنارلرک اصلاحی ضمننده تعدیلات اجراسنه لزوم کوردر ایسه تعدیلاتک ایجاب ایدیرمه‌جکی مصارفک نصفی شهراماته و نصف دیگرکی کندوسنه عائد اولوق اوزره صاحب امتیاز اصلاحات و تعدیلات معلومه‌نک اجراسنه مجبوردر . آنجق بوتعدیلاتک اجراسنی شهراماتی نهایت اون بش سنهده بر طلب ایده‌بیلیر . فنار و ستونلره اعلان الصاقی شهراماته عائددر . مه ، برولور و مانشون و تفرعاتی - هرفنار بر ویا متعدد بهق محتوی اولوب بویه‌قلر قبول و تصدیق اولنمش نمونه‌یه توفیقاً - آودر سیستمنده مارق‌لی ویا ویس‌سو و معادلی اوله‌جق و قنبلی دخی بونوعدن اوله‌جکدر . هرفنارک هرساعتهده غاز صرفیات و سطحیسی بوزیکریمی لیتره اوله‌جکدر . شهراماتی تنویرات عمومی‌نک برقات دهاتیکمل و اصلاحی ضمننده به‌قلرک برولور و مانشونلرینی کافه فنارلرده ویا بر قسمنده طرز آخره افراغنه لزوم کوردر ایسه مستلزم اوله‌جکی مصارف منضمه یعنی طرز اولده‌کی مصرفله طرز اخیرده‌کی مصرف آرسنده‌کی فرقک نصفی امانته عائد اولوق اوزره صاحب امتیازه اجرا ایدیرمه‌ک حقی محافظه ایدر . به‌قلرک تبدیلاتندن دولایی غاز صرفیاتنده تحویل و قوی تقدیرنده شرکتله مشترکاً اجرا قلنه‌جق تجارتیه تعیین ایده‌جک غاز فرقک بدلی بدلات سابقه‌یه نسبتله بالحساب ضم ویا تنزیل ایده‌جکدر . فنارلرک بهق برولور و مانشونلری بالاده بیان اولان جنسک الک اعلانندن اوله‌جق و بونلر مواجهه طرفینده معاینه ایله قصورلی کوریلنلری رد اوله‌جکدر . قوه تنویریة اولیه‌سی تناقص ایدرک بدایتده کنک اوج ربی درجه‌سنده ضیا ورن مانشونلرک تبدیلی صاحب امتیاز ایچون مجبوری اوله‌جکی کی قیریلوب بوزیلانلر درحال تبدیلی ایدمک مقتضیدر .

صاحب امتیاز یکریمی ایکنجه ماده‌ده تنویرات عمومی‌ه فنارلرینک بهری ایچون موضوع بدل مقابله‌ده بویه‌قلری تدارک و حسن حالده محافظه ایده‌جک قیریلان ، چاتلایان شیشه‌لری و سائر بوزیلان تفرعاتی تجدید ایله‌جک و هر زمان بونلری تفتیش و برولور و ده کولاتورلری تنظیم ایله‌جکدر .

اگر لزوم کوریلوزر ایسه هر بهقه دافع اهتراز آلتی - آتی تره‌پیداتور - وضع ایله‌جک و الحاصل به‌قلرک مکمل برصورتده ایشله‌سی ایچون اتخاذی ایجاب ایدن بالجله تدابیری کمال اهتمامله اجرا ایله‌جکدر . فنارلر بلا اقطاع آقشامندن صباحه قدر ایقاد اوله‌جکدر . مع‌ما فیه فضله‌جه تنویریة لزوم کوریلن سوقاقلره علاوه قونیه‌جق فنارلر کیجه یاریسنده شهراماتنجه تعیین ایده‌جک اوقاتده سوندیریله‌بیلور . و بونلرک بدلی‌ده دیگر فنارلرک بدلیه نسبتله حساب اوله‌رق تعیین و تسویه اولنور . اشعال و اطفا زمانلری شهراماتی طرفندن قبول و تصدیق اوله‌جق بر جدول موجبجه تعیین اوله‌جکدر . هر حالده بتون کیجه اشعال اوله‌جق به‌قلر غروب شمسندن اون دقیقه صوکره اشعال و طلوع شمسه قرق دقیقه قاهره‌رق اطفا اولوق اوزره هر بهق سنوی وسطی

اوله رق اوچ بیک سکز یوز ساعت اشعال اولنه جقدر . بالجله به قزلک کاملاً اشعالی قرق دقیقه طرفنده اجرا اولنه جقدر . یعنی بوباید شهراماتی طرفندن تعیین اولنان تعرفده کوسترین اوقاتدن یکرمی دقیقه اول اشعاله مباشرت اولنه جق و اوقات مزبوردهن نهایت یکرمی دقیقه صکره بوکا ختام ورنش اوله جقدر .

صاحب امتیاز فنارلری اشعال واطفا اتمک اوزره لزومی مقدار فنارجی استخدام ایدجک و بونلرک یاقوب سوندره جکلری فنارلرک اطفاسی تعرفده کوسترین اوقاتدن نهایت یکرمی دقیقه اول باشلايه بیلور . صاحب امتیاز شهراماتی طرفندن واقع اولان هرامر وطلبدیه تنویرات عمومیته ک حسن جریان و دوام انتظامی تدقیق و تقشیش ضمنده کیجه ویا کوندوز کوندربله جک مأمور مخصوصه درحال ایشلمه امورینه واقف بر مأمور ترفیق اتمک مجبوردر . بو مأمور معاینه و تدقیقانه مقتضی آلات و ادواتی حامل اوله جقدر . سیس و دوام مثلاً احوال ناکهانی ظهورنده شهراماتنه تنویراتک تمديد مدته لزوم کوستریلور ایسه صاحب امتیاز هان ایجابی اجرا ایلر . تنویراتی تمادی ایتدیرجک ویا لکیز اشبو تمديد مدته فضلّه صرف ایدیلن غازک بدلی بالحساب تنویرات عمومیّه اجوراته علاوه شهراماتی طرفندن صاحب امتیازّه تسویه اولنه جقدر .

ایام مخصوصه ده اجرا ایدیلن تنویراته مقتضی آلات و ادواتک تدارکی شهراماتنه عائددر . لکن صاحب امتیاز آلات و ادوات مذکورده بیجانابرلرینه وضع و تعلیق و اشعال واطفا ایدجک وینه یرلرندن چقاروب حسن حالده امانته اعاده و تسلیم ایلجه جکدر .

ماده ۱۷ — تنویرات عمومیّه اجورات مقطوعه سی و اشبو تنویرات ایچون شهراماتی حسابنه تداوک و اعطا اولنان لوازم و امانت نامه اجرا ایدیلن عملیات بدلاتی حاوی مفرداتی برحساب جدولنی صاحب امتیاز هرامه نهایتده تنظیم و شهراماتنه قدیم ایدجکدر . تاریخ قدیمدن ایک ماه مرورنده اشبو حساب جدولاری شهراماتنه تصدیق و حاوی اولدقلری مبالغه ایکنجی ایک نهایتده تأدییه ایدیلجه جکدر . اشبو ایکنجی ایک نهایتده حساب جدولی محتویاتی امانت مشارالیه جک شرکتّه تسویه ایدیلدیکی تقدیرده صاحب امتیاز تحریراً کیفیتی مقام امانته اشعار ایدجک و تاریخ اشعاردن اون بش کون صکره مطلوبات مترکه تماماً تسویه ایدیلجه یه قدر صاحب امتیازک تنویراتی تعطیلّه حق اوله جقدر .

ماده ۱۸ — صاحب امتیاز آلتنجی ماده احکامنه بدایه و صکره لری توسیعاً و علاوه تأسیس ایدجکی مجاری کذراکنده بولنوب آبونه سندنرندده محرر شرائطه توفیقاً غاز طلب ایدجک اولان بالجله مشترکله کوندوز و کیجه ک هر ساعتده غاز اعطاسنه مجبوردر .

اشبو مجاری کذراکاهی خارچنده بولنان مشترکله حقنده اون دردنجی ماده ک احکامی تطبیق اولنور .

ماده ۱۹ — مستهلکله غاز توزی ایچون پایله جق تأسیسات و عملیات ایکی قسمدن عبارتدر :

اولا : آنا بوریسندن غاز ویرله جک خانه ک جبهه سنه قدر اولان و تأسیس و حسن حالده محافظه سی منحصرأ صاحب امتیازّه عائد بولنان و خارچی شعبه بولی دینلن شعبه بوریلرله اینه ک دروننده قولون موننات (صاعد قولار) دینلن قسمدرکه مصارفی شهراماتی طرفندن قبول و تصدیق وهر بش سنه در دفعه تدقیق و تعدیل ایدیلجه جک اولان تعرفده مندرج فیانه توفیقاً اینه اصحابی طرفندن تسویه ویا استکرا ایدیلجه جکدر .

ثانیاً : اینه دروننده غاز ساعتدن صکره اجرا ایدیلجه جک بوری تقریشاتی و سائر بتون تأسیساتدرکه خانه صاحب لری طرفندن طلب و قوعنده صاحب امتیاز بونلری بالاده بیان اولنان تعرفیه توفیقاً وضع و اجرا اتمک مجبور اوله جق و فقط خانه صاحب لری آبونه سندنرندده مندرج شرائطه توفیق حرکت اتمک شرطیه بو ایکنجی قسم

تقریباتی شرائط لازمه فنییه رعایت و توفیق معامله ایدلک شرطیه دیله دکلرینه یادی رمتده مختار بوله جقتلردر . شو قدر که صاحب امتیاز بوتقریشاتلک آخر طرفندن اجراسی حالنده آندن متولد محاذیر وخساردن قطعاً مسئول اولیه جقدر .

ماده ۲۰ — توزیع واعطا اوله جق غاز ساعتدن کجهک ومترو مکعب حسابیه اولجیه جقدر . صحت عیاری شهرامانتجه مصدق اولان اشبو ساعتلرک کوسترجی صرفیات ارقایی محاکجه معتبر اوله جقدر . آبونلر غاز ساعتلرینی اشترا ویا استیجار ایلکده مختاردر . صاحب امتیاز طرفندن تدارک واعطا ایدیله جک اولان اشبو ساعتلرک اشترا ویا ایجار بدلاتی شهراماتی طرفندن قبول واتصدیق اولومش بر تعریفیه توفیقاً مستهلکلر طرفندن تسویه اوله جقدر . آبونه ویا صاحب امتیاز طرفندن طلب واجرا ایدیله جک معاینه لردن بشقه شهراماتی ساعتلرک صحت حرکت وعیارینک تعیین وتدقیق ضمنده تسبیب ایده جکی معاینه وتجربه لک ایفاسی امر ایدر . ساعتلرک معاینه سینه صاحب امتیاز طرفندن لزوم کوستریلور وتثبت اولنور ایشه ویا بوکا آبونه طرفندن لزوم کوستریلورده نتیجه معاینه ده ساعتک عدم انتظامی آبونلک ضررینه اولدینی تبیین ایدر ایشه معاینه وتجربه مصرفی صاحب امتیازده عائد اولور .

اگر ساعتک معاینه وتجربه سنی آبونه طلب ایدورده نتیجه معاینه ده ساعتک طوغری اولدینی ویا عدم انتظامی آبونلک منفعتنه بولندینی ظاهر اولور سینه معاینه مصرفی آبونیه عائد اولور . امانتک رأساً یا به جکی معاینه لردن دولای طرفین یکدیگرندن معاینه مصرفی طلب ایتمه جقدر . اشبو ماده ده محرر مصارفی امانت تعیین ایده جقدر . غاز ساعتده یوزده درتدن زیاده بر بوزوقلق تبیین ایده جک اولور ایشه ایکی معاینه آرسنده کچن زمان طرفنده کی فضله صرفیات بدلی آبونیه اعاده ایدیله جقدر . صاحب امتیاز ساعتلرک معاینه وتجربه سی ایچون مقتضی اولان كافة آلات وادواتی محتوی بر معاینه خانه تأسیس ایده جقدر .

صاحب امتیازک بر مأموزی حاضر اولدجقه ساعتلرک وضعیتده ویا ساعتلرده ویا اقسام وتقرعاتده تبدلات وتعديلات اجراسی آبونلر ایچون قطعاً ممنوعدر . ساعتلرک موضوع بولندقلری محللره صاحب امتیازک فطوغرافی محتوی هویت ورقه لرینی حامل مأمورین مخصوصه سنک کیره لرینه آبونلر مساعده ایده جقدر . بوباید آبونلر طرفندن ثمانعت ایقاعی تقدیرنده شرکت قرق سکنر ساعت مدتله بر اخبارنامه تبلیغ ایده جک وبو مدتک مرورنده سینه ثمانعت اولندینی تقدیرده شرکت بو آبونلک غازی قطع ایده بیله جقدر . ساعتلر مقدار صرفیاتک قولایلقله کورلسنه مساعد محللره وضع اوله جقدر .

شهر امانتک تصدیقه اقران ایده جک اولان تعرفه موجنبجه آله جق بدل ایجار ساعتلرک وضعی وحسن حالده محافظه وتعمیری مصارفی دخی احتوا ایده جقدر . اولجه بیان اولدینی اوزره ساعتلرک فروخت وایجاری وحسن حالده محافظه سی ایچون تنظیم اولنان تعرفه لر هر بش سنده بر تعدیل اوله بیلیر .

ماده ۲۱ — غاز اعطاسی ضمنده انتخاب امتیازله مستهلکلر آرسنده عقد اوله جق مقاوله لر شهرامانتجه مصدق نمونه توفیقاً مطبوع آبونه سنداتی طرز وشکننده اوله جق وشرطنامه احکامنه منافی هیچ برقید وشرطی محتوی بولنه جقدر . اشبو آبونه سنداتک مدتی لافل اوچ آی اوله جقدر . صاحب امتیاز آبونلردن بر آفاق نسیتمده تأمینات آقچه سی طلب واخلد ایده بیله جقدر . اشبو تأمینات آقچه سی آبونه مدتک ختامیه حسابک تسویه سنده محسوب ویا اعاده ایدیله جقدر .

ماده ۲۲ — تنویرات عمومیه ایچون قبول ایدیلان شکل ونوعده کی فنارلردن :

۱ دن ۲۰۰۰ ه قدر هر بری ایچون سنوی ۳۴۰ غروش

۲۰۰۱ دن ۴۰۰۰ ه قدر هر بری ایچون سنوی ۳۲۰ غروش

۴۰۰۱ دن فضله سی ایچون سنوی ۳۰۰ غروش

شهراماتی طرفندن صاحب امتیازه اجورات مقطوعه اعطا اولنه جق و آروجه اشبو فنارلرک مصارف دائمه وحسن محافظه سی قارشولنی اوله رق بهر فنار ایچون شهری غازخانه ده مستخدم آتشیجیلرک بر ساعته اصابت ایدن اجرت و سعطیه سی ایکی غروشی تجاوز ایدیلکی تقدیرده فضله سی هر نهمه بالغ اولورسه اوچ مثلی صاحب امتیازه اعطا اولنه جقدر . اشبو ضم فنارلرک بتون کیجه صباحه قدر ایقاد ایدیلوب هر هانکی بر ساعتده اطفای ایدیلنری ایچون دخی تسویه اولنه جقدر .

بروجه بالا فنار باشنه تعیین اولنان بدل واجرت غازخانه ده تسلیم ایدلمک شرطیه بیک کیلو غرامدن عبارت اولان کمورک طونیا لاطوسی ایکی تورک لیراسی و غازخانه ده کی آتشیجیلرک بر ساعتک اجرت و سعطیه لیرینک ایکی ایکی غروش اولسنه کوره حساب ایدیلکیندن فیأت واجورات مذکورده نک تزایدی تقدیرنده فنارلرده هر به قک صرف ایده جکی هر مترو مکعبی غاز ایچون کمورک ایکی لیرای تجاوز ایدن طونیا لاطوسی فیأتنده ترفعک هر یاریم لیراسی ایچون اوچ پاره یکریمی بش ساتیم و آتشیجیلرک بر ساعتک اجرت و سعطیه لیرینک بهر بر غروش ترفی ایچونده اوچ پاره یکریمی بش ساتیم تسویه ایدیه جقدر . اشخاص خصوصیه یعنی علی العموم آونه لر اعطا اولنان غازک فیاتی کمور فیاتی و عمله اجورانی و قامیونی رایجیلده متبدل و آئیده مندرج دستورک پاره اوله رق اعطا ایده جکی مقادیردر :

$$(س - ۲) ۵,۲۵ + (ک - ۲) ۱۰,۵ + \frac{۱۰,۵}{۵}$$

اشبو دستورده «ف» قامیو فیأتنک هر کونکی مقدارینی محتوی اولق اوزره هر اوچ آی نهایتنده بورسه مصدق جدولار اوزرینه تورک لیراسنک فرانسز فراننی اوله رق تعیین ایده جک وسطی قیمتکی کوستر .

«ک» اوچ آی طرفنده ضایعات و مصارفات ثقلیه سی نظر دفته آلتق صورتیه غازخانه ده تسلیم ایدیلن کمورک بیک کیلو غرامنک تورک لیراسی اوله رق و سعطی فیاتی کوستر . آنجق ضایعاتک بوزده بشدن فضله سی نظر اعتباره آلتاز .

«س» فرونلرده موظف آتشیجیلرک بر ساعتک اجرتلرینک غروش اوله رق اوچ آباق و سعطیسی کوستر . اشبو اوچ وسطی مقدار هر اوچ آی نهایتنده بری شهراماتی و دیگر شرکتی منصوب ایکی اعضادن مرکب بر قومسیون معرفتیه تدقیق اولنه جقدر .

مذکور قومسیون غازخانه ده تسلیم ایدیلن کمور فیأتنک مبیاعه اولندینی زمانلرده کی بیاسه فیأتنه توافقنی و آتشیجیلر اجورانتک شرکتک دیگر شعبه لرنده خدمات نمائنده کی مستخدمین اجوراته نظراً تقابلی تدقیق ایده جقدر . اشبو قومسیون هر اوچ آی نهایتنده اصحاب امتیازک و یا برینه قائم اوله جق شرکتک شهراماتنه تحریر امراجتی تاریخندن اعتباراً اون کون طرفنده بالاجتماع تدقیقاتی اجرا ایده جک و بوضو رته بالاده کی دستورده توفیقاً تنظیم اولنه جق فیأت تعریفی قومسیونک اجتماع ایتدیکی تاریخی تعقیب ایدن اوچ آی تطبیق ایدلمک اوزره اجتماع تاریخی آسنگ ختامندن اون کون اول شهراماتنتجه تصدیق و شرکته تبایغ اولنه جقدر . ایکی اعضا دستورلرک حسابنده ائتلاف ایده مدکاری تقدیرده قرار قطعی شهرامینی جانبندن اعطا اولتور . بو حسابده پاره نک کسوری نظر اعتباره آلتاز .

ماده ۲۳ — شهراماتی ایه دوائر و مواقع بلدیو و مجانی خسته خانه لر و بلدیو دیسپانسرلری و تخیرخانه لر ایه پولیس

قره غولخانه لرنده و رسمی ایستگاه لرنده استهلاک ایدیلان غاز فیاتی ماده سالفه ده کی تعرفه دستورندن حاصل اولان مقداردن یوزده یکر می بش تنزیل ایله تسویه اولنه جقدر .

ماده ۲۴ — صاحب امتیاز ویا یرینه قائم اوله جق شرکت تمه داتی کاهی حقها ایفا ایده جک اولوب بروجه آتی نقایض وقوعه کلدیکی تقدیرده شهر امانی شرکتک مطلوباتندن زیرده بیان اولنان مبلغی تنزیل ایده جقدر .

۱ — استحصال اولنان غاز اونجی ماده ده بیان ایدیلان مقداردن فضله حمض قاربونی حاوی اولور ایسه یومیه ایکی یوز غروش

۲ — غازک قوه تسخینیسی تعیین اولنان درجه دن دون اولدینی تقدیرده یوز الی غروش

۳ — اسباب موجه مستأنا اولق اوزره تصدیق عدم کفایه سی و بو عدم کفایه نیک مجارینک نقصانندن ویا بوزوقلغندن نشأت ایتش اولسی حالده مشاهده اولوندینی کوندن اعتباراً یکر می کون صکره بدأ اولحق اوزره کونده قرق غروش

۴ — تنورات عمومییه مخصوص به قمر وقت معینندن اون دقیقه و دها زیاده صکره اشغال ویا وقت معینندن اون بش دقیقه ویا دها زیاده اول اطفا اولوندینی تقدیرده ایکی یوز غروش .

صرف ایدیلان غازک بدلی دخی آریجه تنزیل ایدیه جقدر . اشبو تنزیلات قونترول مأمورلرینک اعطا ایده جکلری ضبطنامه لر اوزرینه شهر امینی طرفندن اجرا ایدیه جقدر .

هر ضبطنامه نیک صاحب امتیاز ویا یرینه قائم اولان شرکتک تودیعندن اعتباراً ملاحظاتی تحریراً عرض و بیان ایتک اوزره اوچ کونلک بر مدت اعطا قلنه جقدر .

اشبو ملاحظاتک تدقیقی متعاقب شهر امانی تنزیلاتی قبول ویا رد ایله جک و کیفیت دفتر مخصوصه قید اولنه جقدر .

ماده ۲۵ — صاحب امتیاز مدت امتیاز نیک ختامنده (غازخانه یی و شعبه مواقعی ایله آلات و ادوات و آنا شعبه بوریلری) داخل اولدینی حالده کافه اعمالات و تأسیسات و تفریحاتی صاعلام و هر نوع تعهدات و بورجدن مبرا اوله رق شهر امانته دور و تسلیم ایتک مجبوردر .

شو قدرکه صولک اون سنه ظرفده صاحب امتیاز طرفندن شهر امانتک موافقتیه مؤسسات موجودیه علاوه و مجدداً وجوده کتیرلش اولوب امتیاز مدتک ختامنده موجود بولنه جق اولان اعمالات ایچون صرف ایدیلدیکی رسماً ثابت اولان مبالغدن اعمالات مزبورده نیک تاریخ تأسیسندن اعتباراً مرور ایتش اولان هر سنه ایچون قیمتک اونده بری تنزیل ایدلدکن صکره باقی قاله جق اولان قسمی صاحب امتیاز شهر امانی طرفندن تضمینات اوله رق و یریه جقدر .

اشبو تضمینات امتیازک ختامندن صکره کی آلتی آتی ظرفده صاحب امتیاز تأدیه اولنه جقدر . شرکت تأسیساتی بروجه محرر مکمل صورتده تسلیم ایتزه شهر امانی تعمیرات ایچون صرف ایده جکی مالی تأسیسات جدیدیه مقابل و یریه جکی بروجه بالا تضمیناتدن توقیف ایتک حقی حائزدر . اشبو تضمیناتک کفایت ایده میه جکی تحقق ایدرسه شهر امانی تأسیساتک حسن حاله افرانجی ایچون امتیازک ختامندن اولکی ایکی سنه نیک ایشتمه حاصلاتک کندینسه تسلیمی طلب ایده جقدر .

ماده ۲۶ — صاحب امتیاز تأسیسات و عملیات پروژه لرینی اوقات معینه لرنده تقدیم ایتز ویا اشبو مقاوله و شرطنامه احکامی وجهله تأسیساتی و عملیاتی مدت و شرائط معینه سنده اتمام ایله ایشتمک مباشرت ایتز ایسه کندوسنه شهر امانی طرفندن وقوع بولنه جق تبلیغدن اوچ ماه صکره حقوق امتیاز په سندن اسقاط اولنه بیله جقدر . سلامت

عمومی به تهلکیده قویه جق احوال وقوعنده مصارف وزیانی صاحب امتیازه عائد اوراق اوزره شهر امانتی تهلهکنک اوکی آلتقی اوزره تداییر لازمی اتخاذ ایتکه صلاحیتدار بولنه جقدر . امور ادارهده اهلل و تکاسل وقوع بولور وایشتمه معاملاتی قسماً و یا تماماً دوچار اقطاع اولور ایسه مصارف و ضرری صاحب امتیازه عائد اوراق اوزره شهر امانتی تداییر موقتینی اتخاذ و اجرا و صاحب امتیازه بر اخطارنامه تبلیغ و ارسال ایله برمدت تعیین ایده رک ایضای وظیفه و تمهده دعوت ایده جقدر . صاحب امتیاز اشبو مدتک ختامنده اخطارنامه مضمونه توفیق حرکت ایلدیکه تقدیرده حق امتیازدن اسقاط ایدیه یله جقدر . صاحب امتیاز طرفندن تشکیل ایدیش اولان شرکتک فسخی و افلاسی و محکمه عائد سنجه تصفیة دیون معامله سنک ایضای کبی احوالده کذلک امتیاز ساقط اوله جقدر . صاحب امتیازک اسباب مجبره الجاسیله تمهدهاتی ایضایه مقتدر اوله مدینی اصولاً تعیین و تحقق ایدر ایسه اسقاط معامله سی اجرا اولونماز . صاحب امتیاز تمهدهاتی ایضا ایده مدیکه تقدیرده پروژهرک وصاتون آلمش اراضینک و یا بلش اولان اعمالات و موجود اشیا و ادوات و لوازمک قیمتی تعیین ایدلکدن صکره بر مزایده کشادیه بقیة تمهدهاتک دوام و اجرا واکلی اسبابنه توسل اولنه جقدر . بو تقدیر قیمت کیفیتی اصحاب امتیاز استماع اولدقدن صکره شهر امینی طرفندن اجرا اولور .

اولجه شهر امانتی طرفندن امثالی خصوصانده مسابقه قبول ایدیه یلر اشبو مزایده ده داخل اولامازلر . ملتزم اشبو مقاوله و شرطنامه احکامنه تابع و صاحب امتیاز سابقک بالجله حقوق و وظائف و تمهدهاتی حائز اولاجق و مزایده ده تقرر ایدن بدلدن مزایده مصارفی بعدالتنزیل بقیه سی حق امتیازدن ساقط اولان صاحب امتیازه اعطا اولنه جقدر .

شاید برخی مزایده ده نتیجه حاصل اولماز ایسه آلتی آی صکره فبات تعیین اولمقسزین بر ایکنجی مزایده اجرا ایدیلر . بوایکنجی مزایده ده دخی بر نتیجه حاصل اولمازسه صاحب امتیاز صورت قطعیه ده کافه حقوق ساقط اوله رق پروژهر و اعمالات و ادوات و لوازم موجوده کاملاً و بلا بدل و تضمینات شهر امانتک مالی اولور .

ماده ۲۷ — صاحب امتیاز اشبو مقاوله نامه نك تاریخ تعاطیسندن اعتباراً بر هفته طرفنده و بر دفعه یه مخصوص اوله رق شهر امانته الی بیک تورک لیراسی اعطا ایدم جقدر . غازخانه نك اکل انشا آتی یله ایشله دلمکه یعنی غاز توزیع و فروخته ابتداری تاریخندن اعتباراً غاز شرکتی اشبو مقاله نك محتوی اولدینی ساحه امتیازیه داخنده فروخت ایدم جکی هواغازی ایله معدود و شعبه یولی بدلات و اجار اتندن سنوی وقوع بولم جق حاصلات غیر صافی سندن هر سه نهایتده شهر امانته عائدات اوله رق یوزده بش تسویه ایدم جقدر . آنجق فروخت اولان غازک مقداری سنوی بش ملیون مترو مکعبی تجاوز ایلدیکه تقدیرده برخی بر ملیون فضله ایچون یعنی بش ملیون بر مترو مکعبدن آلتی ملیون مترو مکعبه قدر اولان قسم ایچون یوزده بشه علاوه آروجه یوزده یارم تسویه ایدم جقدر . عین صورته علاوه ایکنجی بر ملیون ایچون ده یعنی آلتی ملیون بر مترو مکعبدن بدی ملیون مترو مکعبه قدر یوزده بر ؛ بدی ملیون بر مترو مکعبدن سکنز ملیون مترو مکعبه قدر یوزده بر یچق ؛ سکنز ملیون بر مترو مکعبدن طقوز ملیون مترو مکعبه قدر یوزده ایکی یچق ؛ طقوز ملیون بر مترو مکعبدن اون ملیون و ده یازده مترو مکعبی ایچون ده یوزده بش تسویه ایدم جقدر .

ماده ۲۸ — بکی غازخانه ایشلدله امور یه مباشرت ایلدیکه تاریخندن اعتباراً یکرمی بش سه مرور ایتدکن صکره شهر امانتی لاقل یوز بیک نفوسی حاوی برشهرده ایی سه مدله غاز صنایعنده تطبیق ایدیلوب غازک مصارف استحصاله سندن لاقل یوزده یکرمی نسبتنده استفاده یی موجب اولمش اولدینی ثابت اولان اصول جدیدنك تطبیقه

صاحب امتیازی دعوت ایده‌بیلجک و صاحب امتیازنهایت برسنه ظرفنده اصول جدید مذکورنی تطبیق ایتمک و بوندن طولانی غازک مصارف استحصالیه سنجه حصوله کله جک اهویت مقدارینک نصفندن شهر امانی و اهالی بی حصه مذکور ایتمک مجبوردر . غازک فیات جدیدسی موجود اسکی سرمایه لرده مآلفاض و آمورتیسمانلر حقنده اولان دیگر شرائط باقی قالمق و اصول جدیدنک تطبیق و استعمالدن دولایی وضعه لزوم کوریله بیلجکی سرمایه لرک فاض و آمورتیسمانلری نظردفته آلهرق تعیین ایدیلجکدر . بوجه بالا ایشلمه امورینه مباشرت اولندقدن یکریمی بش سنه صکره و آنی متعاقب هر اون سنه ده بر شهر امانتک طایی اوزرینه غاز تعرفه سی یکیدن تدقیق و تعدیل ایدیله بیلجکدر . بونک ایچون غازک صورت استحصالی ویا توزیعنده ویا محصولات تالیه دن استفاده ایدلمک اصلنده وقوعه کئش ترقیات و تکمالاتدن ویا اسباب سائرده دن دولایی غازک بدل استحصالنده لاقبل یوزده یکریمی درجه سنده تنزل وقوعه کلدیکی ثابت اولمق مشروط اولوب بوتقدیرده غازک قاچه مال اولدیغی اهل خیره معرفتیه تعیین ایدیلجکدر . اهل خیره طرفندن تقدیر و تعیین ایدیلجک اولان تصرف یوزده یکریمی نی تجاوز ابتدیی حالده فضلہ سنک نصفندن مستهلک و شهر امانی مستفید ایدیلجکدر .

ماده ۲۹ — صاحب امتیازسوقاقلره مفروش و استعمال ایدیلان غاز بحاریسنک هر کیلو متروسی ایچون استعمال ایدلدکلری تاریخندن اعتباراً شهر امانته سنوی یکریمی مترو مکعبی غازک اهالی به تطبیق ایدیلان سنه لک تعرفه وسطیه اوزرندن بدلی وریله جکدر .

کرک عمومی قنارلر و کرک آبنه لر شعبه یوللری بوجارده تابع دکلدر .

ماده ۳۰ — تأسیسات و تفریحات ابتدایی و توسیعات عملیاتنک صورت اجرایی و حسن حالده محافظه سی وکافه اعمال و ایشلمه معاملاتی شهر امانی طرفندن تعیین اولنان قومیسرلر معرفتیه علی التامدی تفتیش ایدریله جکدر . صاحب امتیاز مصارف تفتیشیه اولهرق اشبو مقاوله نامه نک تصدیق تاریخندن اعتباراً ایلک اون سنه طرفنده شهر امانته شهری مقطوعاً اللی تورک لیراسی و اون سنه دن صکره شهری یکریمی بش تورک لیراسی اعطا ایدیلجکدر .

ماده ۳۱ — صاحب امتیاز شهر امانته هر سنه ایشلمه معاملاتنه متعلق مکمل استاتستیکلی بر راپور اعطا ایدیلجکدر . فقط بو کیفیت شهر امانی طرفندن شرکتنک امور اداره سنه مداخله حققی تولید ایدمه ز .

ماده ۳۲ — امتیازک دوامی متدجه کرک تأسیسات و اعمالدن و کرک بونلرک مبنی بولندیغی اراضیدن و اشبو امتیازک تأمین ایددیگی واردادنن اصلابر کونارسم و ویرکو آلتیه جکدر . بالجله تأسیسات و تفریحاتک و اعمال و وجوده کتیرلمسی ایچون قبول موقت تاریخنه قدر ممالک اجنیه دن تدارک و جلب اوله حق کافه آلات و ادوات معدنییه و میخانیکیه و توریکده اعمال ایدیله مین لوازم سائر شهر امانته تصدیق اولنق شرطیه رسم کرکدن معاف اوله جکدر . اشبو معافیت ایلروده غازخانه و مشتملات و تفریحاتنک توسیعی ایچون جلب ایدیلجک لوازم و آلات و ادواته شامل اوله جکدر . صاحب امتیاز طرفندن انشا ایدیلوب ایشلمه اموزنده استعمال ایدیلجک اولان مبانی و مؤسسات و اصحاب امتیازک مأمورین و مستخدمین الیوم مرعی الاجرا بولان وایلروده وضع واحداث ایدیلجک اولان کافه رسوم و تکالیفه تابع اوله جکدر .

غازک استحصالی ایچون استعمال اولنان معدن کمورلرینه رسوم جدیده طرح اولنور ایسه صاحب امتیازحکومتک تصدیقه اقترا ن ایتمک شرطیه حداعظم تعرفه لر نی اشبو رسوم نسبته ده ترفیع ایتمک حققی حائزدر . طوغریدن طوغری به صراحه غاز اوزرینه ویرکو طرحنی موجب یکی بر قانون وضع اولنور ایسه بشقه طرزده تنویرات و تسخین وقوه محرکه توزیعانی حقنده دخی طرح ایدلمک شرطیه بو ویرکو غازک مستهلکری طرفندن تأدیبه اوله جکدر .

ماده ۳۳ — صاحب امتیازك ایستلمه معاملاتنده استخدام ایله‌جیكی كافه مأمورین و عمله‌ی تورك و مسلمان اوله‌جقدر . معافیة ممالك توركیده بولنه‌میان مأمورین قینه‌ی اجنبی تبعه‌سندن استخدامنه مساع و اردر . هر حالده استخدام ایله‌جك اولان كافه اشخاصك جدولی اسباب موجب‌سیله برلكده شهرامانته اعطا ایله‌جكدر .

ماده ۳۴ — صاحب امتیاز انضباط وامینت وصحت و سلامت عمومیة فقط نظرندن تنظیم ونشر و اعلان ایدش و ایله‌جك بالجملة قوانین و نظامات دولته و مقررات متخذه‌یه توفیق حرکت و معامله ایلكه مجبوردر .

ماده ۳۵ — اشبو مقاوله‌نامه و شرطنامه و احكامك شرح و تفسیر و اجراسندن دولای شرکت ایله شهراماتی و یا حكومت دوائری آردسندده ظهور ایده‌جك هر درلو اختلافات و مدعیات شورای دولت و یامقانه قائم اوله‌جق هیئته فصل اوله‌جقدر . اهالی ایله صاحب امتیاز و یامقانه قائم اوله‌جق شرکت آردسندده ظهور ایده‌جك اختلافات علوی محاکم توركیه عائدسندده رؤیت و فصل اوله‌جقدر .

ماده ۳۶ — صاحب امتیاز تورك آنونیم شرکتی حالنده اولدینی جهتله اشبو مقاوله‌نك تصدیق تاربخندن اعتباراً آتی آی ظرفنده كندی مقامنه قائم اولق اوزره برتورك آنونیم شرکتی تشكیله دخی مأذوندر . شركتك توركیه داخلنده‌ی بالعموم مناسبات و مخبرات و معاملاتی توركیه اوله‌جقدر .

ماده ۳۷ — صاحب امتیاز اولان شرکت در سعادته بر اقامتگاه اتخاذ ایدرك شهرامانته بیلدره‌جكدر . تعیین اقامتگاه ایله‌یكی تقدیرده در سعادته اوراق حوادث واسطه‌سیله واقع اولاجق كافه تبلیغات و نشریات كندیسه ایفا ایدش عد اوله‌جقدر .

۷ مایس سنه ۱۳۴۱

قاضی کوی واسکدار ایله بوغاز اینك آناتولی جهتی
هواغازی و الکتریک عثمانلی آنونیم شرکتی نام و حسابنه
شرکت مذکوره مجلس اداره‌سنگ و کالتنی حاضر
و اعضاسندن توركیه جمهوریتی تبعه‌سندن :

عارف حکمت

مهر

شهر امینی توركیه جمهوریتی
امین استانبول شهراماتی

مخلنده قرائت و مالی تفهیم قلنان اشبو
مقاوله‌نامه زیرینه موضوع امضا صاحبی
هویتی معروفتر اوپراتور امین بك افندیك
اولوب مندرجاتی تماماً بالقبول اقرار
ایلدكن صكره مواجهه‌مزده وضع
ایلدیكنی تصدیق ایده‌رز .

مخلنده قرائت و مالی تفهیم قلنان اشبو
مقاوله‌نامه زیرینه موضوع امضا صاحبی
هویتی معروفتر عارف حکمت بكك
اولوب مندرجاتی تماماً بالقبول اقرار
ایلدكن صكره مواجهه‌مزده وضع
ایلدیكنی تصدیق ایده‌رز .

بك اوچوز قرق بر سنه‌سی مایس
اینك ۷ نجی كونی

بك اوچوز قرق بر سنه‌سی مایس
اینك ۷ نجی كونی

شاهدلر

شهراماتی اوراق قلم میزی
علی احسان بك
ابن محسن افندی

قاضی کوی هواغازی شرکتی مأمورلرندن
قاضی كوكبك استقلال سواقنده ۱۷ نومروده
مقیم [احمد عبدالكريم] بك
بن نوری بك

بومقاوله نامه زیر بنه موضوع امضالر اجرا و کیلارینک ۲۹ مارت ۳۴۱ تاریخی و ۱۷۵۳ نومرولو قرار نامه سی و داخله وکالت جلیله سنک $\frac{۱۱۰۳}{۱۱۰۱۱}$ نومرولو تذکره سی موجب چه وضع امضا ایدن شهرامینی اوپراتور امین بک افندی ایله شرکت و کیلی عارف حکمت بکک اولدینی اسم و هویتلری بالاده محرر معرفلرک افاده و تصدیق لرنندن آکلاشمش اولمقله عیناً دفتر مخصوصه بالقید تصدیق ایدلدی .

بیک اوچوز قرق بر سنه سی مایس آینک یدنجی بخشبه کونی

بک اوغلی دردنجی کاتب عدلی

مدحت جمال

شهرامینی امین بک افندی ایله عارف حکمت بکک فوطوغرافیلری دائره مدده کی باشقه اوراق اوزرنده موجوددر .

بک اوغلی دردنجی کاتب عدلی

مدحت جمال